

2.

Amtmann Hertings Vortrag am
Prinsregentsgeburtstag.

Stammes Germanes Wortes
die in der Geschichte
der Menschheit
eine wichtige Rolle
spielen



Zum Dunnerkeil, was is das heit,
Mer hört jo gar nix bei euch Leit!
Do sitzen se all in de Ecke
Un machen Gesichter zum verrecke.
Ihr sin doch grad wie klene Kinn,
Ihr denke nur in euerm Sinn
Der Prinzregent der hat's gut mache!
O das is doch rein zum Lache,
Der Mann is net so wie ihr menne,
Der wees sei Geld gut anzewenne.
Wann heit e Unglick wo bassiert
Un die Sach is rescherschiert,
Kriehn die Betroffene Geld geschickt,
Die sin do driwer ganz entzickt

Un mancher laaft do rum wie doll,
Weeß gar net wem er danke soll;
Un frogt mer not wer das gespend,
Dann heeßt's das war d'r Prinsregent.
Do siehn ihr doch jetzt all ganz gut,
Wieviel der Luipold Gutes dut.
's gibt Leit wo reicher sin wie der,
Gewe die a ihr Geld so her?
Ihr sollte mol uff Münche gehe,
Im Prinsregent sei Hof erscht sehe!
Do find' ihr, das is net so ohne,
Dort brauch der Mann alleen Miljone
For sei Hoffstaat recht ze siehre,
Er muß sich doch representiere,
Das koscht den Mann e Hause Geld
Un geht's 'm gut erscht uff der Welt?
Ich meen do bräucht mer net ze froge,
Der hat sich a sei Deel ze ploge
Unausgeseht bis an sei End
Der brave, treue Prinsregent.
Doch heit do soll ihn nix verdrieße;
Hopp, Pulwer her, mer wolle schieße!

Die Musit raus, hopp, jetzt geht's los,
Parademärsch werr'n uffgeblos!
Nach an die Glocke dort im Turm!
Ihr Männer ziehe, läute Sturm,
Dann so was kummt höchst selte vor,
So alt met wenig grooe Hoor,
Das is nur unser Prinsregent.
Boß Bliß un Dunner Element,
Der dut hunnert Johr noch lewe,
Das kann ich euch schriftlich gewe,
Dann er hat do vor zwölf Woche
Bei Gelehrtheit selbscht gesproche:
Aus gut gepflegte Jugendjohr
Ging hoheß Alter draus hervor!
Un dodrin hat er a ganz recht,
Dann all die Leit, die mit Geschlecht
In ihrer Jugend viel verkehre,
Dun sich ihr Alter sehr erschwere;
Die selle sin bei Zeite frumm,
Die werr'n kindisch un saudumm
Un friehen ingefall'ne Bäck,
Werr'n so derr als wie e Wacke,

Un han schon all mit verzig Johr
E groẖi Glas anstatt ihr Hoor.
Drum losse euch, ihr Leit, belehre!
Ihr brauche net uff mich zu høre,
Doch lerne das vum Prinsregent,
Weil der die Sach am beschte kennt.
Der steht heit do mit neinzig Johr
Un macht uns Pälzer noch was vor,
Die Pälzer mach'n ihm awer nooch,
Nur „die“ met ihrer Zwocfelsprooch,
Met denne is net zu redde,
Die sin saudumm, do wollt ich wette.
Wohl sin jo unser Pälzer Leit
Jo a net immer all gescheit,
Doch han se hell're Köpp do hiwe
Als wie die dumme Zwocfel driwe.
Das hat sich längschtens schon bewiss',
Drum is a ebbes ganz gewiß,
Daẖ Mancher heit sei Glickwunsch send'
No Münche hin zum Prinsregent.
Bei alle Leit geht's nur net an;
Na, 's wär jo a e reiner Wahn,

Das sin de Adelsleit ihr Sache;
Die Bürgerleit dun 's annerscht mache.
Die setze sich ins Wertshaus nein
Un sagen beim e Schoppe Wein:
„Gott erhalte Malz un Reewe
Un loß d'r Luipold noch lang lewe!“



The first ...

The second ...

The third ...

The fourth ...

The fifth ...

The sixth ...

The seventh ...

The eighth ...

The ninth ...

The tenth ...

The eleventh ...

The twelfth ...

The thirteenth ...

The fourteenth ...

The fifteenth ...

The sixteenth ...

The seventeenth ...

The eighteenth ...

The nineteenth ...

The twentieth ...